



UNIVERSITÄTS-
BIBLIOTHEK
PADERBORN

**Candidatus Abbreuiatus Jurisprudentiae Sacrae, Hoc Est,
Juris Canonici, Secundum Gregorii Papae IX. Libros V.
Decretalium Explanati Summa, Seu Compendium**

Pichler, Vitus

Augustae Vindel., 1733

Titulus X. De his, qui filios occiderunt.

[urn:nbn:de:hbz:466:1-63462](https://nbn-resolving.org/urn:nbn:de:hbz:466:1-63462)

locorum persequi, & deprehensos capere possint, invocato etiam brachio sæculari. Si hujusmodi dimisso habitu vagentur in terris Hæreticorum, S. Pœnitentiaria Romana, cui ad hunc finem offerendæ sunt preces, factô verbô cum Pontifice, per Rescriptum sæpius indulget, ut ad quamcumque Religionem, & quandoque etiam ad non claustralem transire valeant, ut nimirum alliciantur ad reditum ad Ecclesiam. *Monacella in Append. p. 1. fol. 342. n. 4.*

- 4 Dico 3. Pœnæ Apostatarum ab Ordine sunt 1. Amissio privilegii Canonis & Fori saltem postriam monitionem. *c. 1. h. t. c. 27. de privil. c. 27. & 45. de Sent. Excomm.* 2. Excommunicatio ferendæ sententiæ. per *c. 3. h. t.* & latæ, si attemptent contrahere Matrimonium. *Clem. un. de Consecr.* 3. Infamia, ac istam subsequens irregularitas. 4. Modis omnibus, etiam per durum carcerem, edegendi sunt ad reassumendum habitum. *c. 5. h. t.*
- 5 Dico 4. Pœnæ reiterantium baptisma sunt 1. Irregularitas, tam rebaptizantis, quàm rebaptizari se permittentis. *c. 2. eod.* 2. Depositio, si Clericus, excommunicatio ferendæ, si Laicus fuerit per *can. 118. d. 4. de Consecr.* 3. De Jure Civili ultimum supplicium, vel exilium &c. *l. 2. c. de Sanct. Baptis.* nam nec Anabaptistæ, nec Apostata à Fide, in Romano Imperio sunt tolerati.

TITULUS X.

De his, qui filios occiderunt.

SUMMARIUM.

1. Quid, & quotuplex sit Parricidium.

2. Quæ

2. *Qua pœna Parricidarum.*
 3. *Quid, si parentes prolem occidant per culpam.*

PER 6. deinceps *titulos* agetur de Homicidio (vel ejus periculo) hic de gravissimo, nempe *Parricidio*, quod est duplex, *proprie dictum*, si parentes occidant liberos vel alios descendentes, aut liberi parentes aut alios ascendentes in linea recta: *improprie dictum*, si consanguineus alium consanguineum collateralem usque ad 4. gradum occidat, aut affinem saltem lineæ rectæ, aut conjunx conjugem. Excipe, nisi quis tam propinquè conjunctum occideret velut aggressorem ex necessitate tuendi propriam vitam, vel tanquam rebellem patriæ. *l. 35. ff. de Relig. & sumpt. fun.*

Pœna parricidii de Jure Canonico hodie est arbitraria, imò, nisi Reus conventus sit persona Ecclesiastica, relinquatur puniendum foro Civili, ut DD. passim notent. Si reus foret Clericus parricidii *proprie dicti*, degradatus traderetur Curiaæ Sæculari. De Jure Civili pœna parricidii *proprie dicti* fuit olim culeus, h. e. Reus virgis ad sanguinem usque cæsus sacco coreacio cum cane, gallo gallinaceo, vipera, & simia insutus projiciebatur in mare vel flumen. *§. 6. Inst. de publ. Jud.* Sed hodie vi Consuetudinis vel Statutorum in variis locis varia mortis pœna, aliter & aliter exasperata, infligitur, v. g. raptando reos caudæ equi alligatos ad locum supplicii. torquendo ignitis forcipibus, subjiciendo rotæ &c. *Improprie dicti* autem est gladius, nempe pœna *Legis Cornel. de Sicariis. §. 6. Inst. cit.* quamvis juxta Constitutionem pœna-

lem Caroli V. etiam in hoc precedere debeat, vel subsequi, aliqua exasperatio, ac soleat, præsertim si conjunx vel cognatus propinquior occidatur, v. g. crurifragium, vel injectio cadaveris in Rotam. D. Frölich in *Nemesi p. 2. l. 2. tit. 14. n. 1.* Eadem gladii pœnâ, licet aliam, nempe suffocationem in aquis &c. ordinet Constitutio Carolina art. 131. & 133. afficitur vi Consuetudinis scœmina, fœtum vel in utero existentem & jam animatum anima rationali, vel jam editum in lucem, occidens ad occultandum delictum, licet pro ratione circumstantiarum exasperari soleat. In procurantes abortum, præsertim si fœtus jam fuit animatus anima rationali, etiam pro foro Canonico gravissimas sanxit pœnas Sixtus V. in *Const. Ad effrontiam*, quas nonnihil moderatus est Gregor. XIII. in *Constit. Sedes Apostolica*.

- 3 Quæres, quid sentiendum de parentibus, qui non deditâ operâ & dolô malô, at non sine culpa occidunt prolem, v. g. collocando eam in eodem secum lecto, & in somno, vel aliâs præter intentionem opprimendo? R. arbitrariè sunt puniendi, si satis de culpa constet; nam pœna triennalis jejunii, de qua loquitur *c. fin. h. t.* exolevit. Deinde in quibusdam diœcesibus, nisi circumstantiæ essent parentes à culpa gravi, incurrunt casum Episcopo reservatum.

TITULUS XI.

De Infantibus, & Languidis Expositis.

SUMMARIUM.

1. Qui dicantur Infantes, vel Languidi expositi.

2. Per